

Dvojno državljanstvo

Visoki predstavnik Carlos Westendorp želio bi da ponovi da je dvojno državljanstvo dozvoljeno i po Ustavu Bosne i Hercegovine i po Zakonu o državljanstvu, koji je stupio na snagu 1. januara ove godine.

Državljanima Bosne i Hercegovine je dozvoljeno da posjeduju državljanstvo druge države, pod uslovom da je s njom zaključen bilateralni sporazum u skladu sa Ustavom i Zakonom o državljanstvu. Nijedan takav sporazum nije postignut do danas. Međutim, u Zakonu o državljanstvu je predviđen prelazni period od pet godina, tj. do 1. januara 2003., tokom kojeg zainteresovane države mogu zaključivati takve sporazume sa Bosnom i Hercegovinom. U ovom periodu, osobe koje su stekle drugo državljanstvo prije stupanja na snagu Zakona o državljanstvu, imaju pravo da ga zadrže.

Visoki predstavnik naročito u ovom predizbornom periodu osuđuje sve pokušaje pogrešnog predstavljanja ovog stava i širenja konfuzije i straha među državljanima Bosne i Hercegovine koji posjeduju drugo državljanstvo. Visoki predstavnik želi da potvrdi takvim državljanima da nema nikakve namjere da ukine pravo na dvojno državljanstvo.